



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri De Dusburg, Ordinis Teutonici Sacerdotis, Chronicon Prussiae

Petrus <de Dusburg>

Francofurti ; Lipsiae ; Regiom. Pruss., 1679

Cap. CXXXVIII. De Morte duodecim fratrum & quingentorum virorum & de
destructione civitatis Christburg castri Pomesanorum, & suburbii fratrum
& occisione plurium Christianorum.

urn:nbn:de:hbz:466:1-11850

ipsum, in quo fideles Pomesani habitabant, fortiter impugnan-
tes, tandem intraverunt potenter, & captis & occisis hominibus,
præter eos, qui ad Castrum Christburg confugere poterant, di-
ctum propugnaculum funditus destruxerunt.

CAP. CXXXVIII.

De

*Morte duodecim fratrum & quingen-
torum virorum & de destructione civitatis Christ-
burg castri Pomesanorum, & suburbii fratrum & oc-
cissione plurium Christianorum.*

Divanus dictus Clekine Capitaneus Barthorum & Linko Po-
gesanus cum magno Exercitu intraverunt terram Colmen-
sem & dum ad clamorem hujus Exercitus fratres de Christburg
& alii convenissent ad terram Colmensensem, Pogesani, ut Divanus
præordinaverat, cum valido exercitu equitum & peditum ve-
nerunt ad Castrum dictum Trampere, situm infra Christburg
& Mergenburg, in Cujus obsidione reliquerunt pedites, & quen-
dam dictum Colte ipsis Capitaneum præfecerunt. Sed equites
transiverunt usque ad territorium dictum Algent, in quo nunc
situm est Castrum Mergenburg, & usque ad Insulam S. Mariæ
occidendo, capiendo & cremando, quicquid in via eis occurrit.
Quo intellecto fratres de Castris Pusilia & Vischovia cum suis
armigeris venerunt fratribus & Civibus de Christburg in armis
jam paratis in auxilium. Et dum fratres procedentes appro-
pinquarent Castro obsesso, Prutheni cessantes ab impugna-
tione conversi sunt in fugam. In hac fuga & impugnatione castri
multi Prutheni occisi fuerunt, & lethaliter vulnerati, & Colte

*Hanno de Sangerhausen VII. Mag. Gener. Ord. Teut.
Conradus à Tierberg Senior IX. Mag. Pruss. Provinc.*

Capitaneus eorum etiam cecidit gladio interfectus, sicque pedites fugientes occurrerunt equitibus; de quo territi, congregaverunt se & equites & pedites, & in littore Sirgure castra metati sunt, fratribus ex opposito se locantibus cum suo Exercitu. Prutheni videntes quod sine bello evadere non possent, consideratâ opportunitate, dum Christiani quasi nihil timentes sine custodiâ debitâ essent, imo etiam sellas de equis posuissent, mediam partem exercitus sui occultè permiserunt transire fluvium, quæ Christianos retro, alii ante, bello durissimo invaserunt, & antequam Christiani se possent præparare ad defensionem, occisi fuerunt XII. fratres & quingenti Viri circa Villam Poganste, reliquos fugientes ad Civitatem secuti sunt, & post modicam impugnationem potenter intraverunt, & civitatem & Castrum Pogefaniorum & fratrum suburbium penitus destruxerunt, captis & occisis omnibus, præter illos, qui ad castrum fratrum confugere potuerunt. Hoc tempore non remanserunt in Castro Christburg, nisi tres fratres & tres famuli & quidam Pomesanus, dictus Scienes, qui propter quædam delicta, quæ commiserat, fuit vinculis mancipatus. Hic fractis compedibus cum gladio & lanceis tanquam leo (c) intrepidus stetit in ponte Castri fratrum, & prohibuit introitum hostibus, quousque porta clauderetur. Quo facto, quidam frater telo occidit quendam Pruthenum, cui XL. (d) pueri Christiani capti & ligati simul commissi fuerant custodiendi, & pueri currentes ad Castrum evaserunt perpetuam servitutem.

ANIMADVERSIONES.

- (a) Collectanea Magnif. Domini Zameli habent Dekine. Et sic etiam Elbingensis & Thoruniensis Codices. Idem Zamelius Diwanum hunc putat dictum esse à voce Prussica & Lithvanica *Deiwa* i. e. *Deus*. Unde eidem à Prussis videri possit datum nomen *Otonis*. apud Henneb. pag. 13. (b)

Hanno de Sangerhausen VII. Mag. Gen. Ord. Teuton.
 Conradus à Tierberg Senior IX. Mag. Pruss. Provinc.

- (b) Collectanea Dn. Zamelli habent Trampere vel Trampen. Jerofchinus verò & Chronicon Antiq. Germ. in 4. habent Tranpenen. Alii Trampien.
- (c) Simile olim factum Horatii Cocclitis, vide apud Livium *lib. 2. c. 10.* Flor. *lib. 1. cap. 10.*
- (d) Thoruniense Fragmentum legit, *primum.* In Regiomontano exemplari hoc legi non poterat. Restituimus itaque hæc ex Germanica Jerofchini versione.

CAP. CXXXIX.

De

Morte plurium Pruthenorum.

Divanus prædictus iterum sapiens in Sangvinem Christianum, congregato Exercitu valido, territoria circa Christburg & Mergenburg denuo deprædavit putans quod nunc deberet ei ad votum succedere sicut prius. Jam enim tot fratres & alios Christianos interfecit & captivavit quod non credidit aliquos superesse qui resistere possent ei. Unde præmissis exercitu suo cum spolio ipse cum paucis sequebatur. Sed fratres de Christburg & Elbingo cum modico Exercitu confisi in eum, cujus virtute unus persequeretur mille, & duo fugaverant decem millia, venerunt ad fluvium (a) Ghobar, ubi Divanum viriliter sunt aggressi, & quendam consanguineum ipsius, dictum Dabore, & totum populum occiderunt. Sed Divanus cum paucis non sine magnâ verecundiâ fugiens sic evasit. Reducentes ergò fratres prædam, quam de manu ipsorum eruerunt cum gratiarum actione ad propria sunt reversi.

ANIMADVERSIO.

- (a) Thoruniense Fragmentum habet Chobar. Est autem fluvius diè Guber dictus.

Gg 3

CAP.